

Na osnovu člana 13. Zakona o principima lokalne samouprave u Federaciji BiH ("Službene novine F BiH", broj 49/06), člana 10. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04) i člana 87. Poslovnika Općinskog vijeća Centar Sarajevo – Prečišćeni tekst ("Službene novine Kantona Sarajevo", broj 23/04), čl. 60. i 63. Zakona o plaćama i naknadama u organima vlasti Federacije BiH („Službene novine Federacije BiH“, br. 45/10, 111/12 i 20/17) i člana 75. Kolektivnog ugovora za službenike organa uprave i sudske vlasti u Federaciji BiH („Službene novine Federacije BiH“, broj 16/18) uz saglasnost Sindikata, Općinsko vijeće Centar Sarajevo je na 31. redovnoj sjednici održanoj dana 21.12.2018. godine, donijelo

O D L U K U

o izmjeni i dopuni

Odluke o utvrđivanju platnih razreda i koeficijenata za plaće, dodataka na plaću i naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Centar Sarajevo

Član 1.

Ovom Odlukom mijenja se član 5. stav. 1. Odluke o utvrđivanju platnih razreda i koeficijenata za plaće, dodataka na plaću i naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Centar Sarajevo, broj 01-49-750/13 od 28.03.2013. godine i broj 01-49-1680/15 od 29.09.2015. godine, tako da sada glasi:

„Član 5.

(Elementi za utvrđivanje osnovne plaće)

Osnovna plaća se utvrđuje množenjem osnovice za plaću iz člana 4. ove Odluke sa utvrđenim koeficijentom platnog razreda i tako utvrđeni iznos uvećava se za 0,6% za svaku započetu godinu penzijskog staža vijećnika, općinskog načelnika, savjetnika, pravobranioca i zamjenika pravobranioca, državnih službenika i namještenika, a najviše do 20%."

Član 2.

Dopunjava se član 18. Odluke o utvrđivanju platnih razreda i koeficijenata za plaće, dodataka na plaću i naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Centar Sarajevo, broj 01-49-750/13 od 28.03.2013. godine i broj 01-49-1680/15 od 29.09.2015. godine, tako da se u platni razred II i III dodaje „rukovodilac Ureda za internu reviziju“ i „glavni inspektor“ i sada glasi:

"

II	POMOĆNIK OPĆINSKOG NAČELNIKA, RUKOVODILAC UREDA ZA REVIZIJU	5,70
III	INTERNI REVIZOR, GLAVNI INSPEKTOR	5,20

"

Član 3.

Iza člana 20. dodaje se član 20.a, koji glasi:

„Član 20.a
(Uvećanje plaće)

Općinski načelnik, na prijedlog neposrednog rukovodioca ili samostalno, donosi rješenje kojim se osnovna plaća državnog službenika ili namještenika uvećava za procenat do 20% za period u kome, pored poslova svog radnog mjesta, povremeno obavlja i poslove drugog radnog mjesta.“

Član 4.

Mijenja se član 24. , tako da sada glasi:

„Član 24.

Državni službenik i namještenik ima pravo na plaćeni dopust u dužini do 7 radnih dana u jednoj kalendarskoj godini, u skladu sa kolektivnim ugovorom i pravilnikom o radnim odnosima.“

Član 5.

Mijenja se član 31. stav 1. koji sada glasi:

„Član 31.

(Naknada za slučaj povrede na radu, teške bolesti i invalidnosti)

U slučaju povrede na radu, teške bolesti ili invalidnosti državnog službenika ili namještenika ili člana njegove uže porodice isplaćuje se jednokratna novčana pomoć do dvije prosječne neto plaće isplaćene u Federaciji prema zadnjem objavljenom statističkom podatku prema raspoloživim budžetskim sredstvima a sve u skladu s Kolektivnim ugovorom za službenike organa uprave i sudske vlasti u Federaciji BiH. “

Član 6.

Mijenja se član 32. stav 1. koji sada glasi:

„Član 32.
(Naknada za slučaj smrti)

U slučaju smrti državnog službenika, odnosno namještenika njegovoj porodici se isplaćuju troškovi sahrane u visini do četiri prosječne neto plaće isplaćene u Federaciji prema zadnjem objavljenom statističkom podatku, a prema raspoloživim sredstvima, a sve u skladu sa Kolektivnim ugovorom za službenike organa uprave i sudske vlasti u Federaciji BiH.

Član 7.

Mijenja se član 40., tako da sada glasi:

„Član 40.
(Visina naknade za lica na stručnom osposobljavanju bez zasnivanja radnog odnosa)

Lica na stručnom osposobljavanju bez zasnivanja radnog odnosa visoke, više i srednje stručne spreme u organu državne službe imaju pravo na naknadu, i to:

- 1) za visoku školsku spremu u iznosu od 35% od osnovne plaće stručnog saradnika;

- 2) za višu školsku spremu u iznosu od 35% od osnovne plaće samostalnog referenta;
- 3) za srednju stručnu spremu u iznosu od 35% od osnovne plaće referenta.

Visina naknade iz stava 1. ovog člana određuje se od osnovne plaće odgovarajuće školske spreme."

Član 8.

U ostalom dijelu Odluka o utvrđivanju platnih razreda i koeficijenata za plaće, dodataka na plaću i naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Centar Sarajevo, br. 01-49-750/13 od 28.03.2013. godine i 01-49-1680/15 od 29.09.2015. godine, ostaje nepromijenjena.

Član 9.

Ova Odluka stupa na snagu narednog dana od dana objavljivanja na Oglasnoj ploči Općine Centar, a naknadno će se objaviti u „Službenim novinama Kantona Sarajevo“.

Broj: 01-14-4947/18

Sarajevo, 21.12.2018.godine



Ova odluka je objavljena na oglasnoj ploči

Općine Centar dana 28.12.2018. godine.